

Na osnovu provedenog postupka u skladu sa članom 90. Zakona o javnim nabavkama Bosne i Hercegovine, ("Službeni glasnik BiH", broj 39/14) i Pravilnika o postupku direktnog sporazuma („Sl. glasnik BiH“, broj 90/14) i na osnovu Odluke o dodjeli Ugovora, broj: 05.12.100-2032-Odluka o prihvatanju cijene ponuđača/17, zaključuju slijedeće:

J.U. ZAVOD ZA JAVNO ZDRAVSTVO KANTONA SARAJEVO, ulica Dr. Mustafe Pintola broj 1/III Ilidža - Sarajevo, identifikacioni broj: 4200329950003, koga zastupa Dr. med. sci. Snježana Balta, primarius, direktor (u daljem tekstu: Kupac)

i
„BUNJO“ d.o.o. Sarajevo, ul. Alipašina bb, identifikacioni broj: 4200127900004, koga zastupa direktor: Enes Bunjo, (u daljem tekstu: Prodavac), zaključili su:

UGOVOR O JAVNOJ NABAVCI USLUGA- ZA SUKCESIVNU NABAVKU USLUGA SERVISIA VOZILA

Član 1.

Predmet ovog Ugovora je pružanje usluga servisa i održavanje motornih vozila, za potrebe J.U. Zavoda za javno zdravstvo Kantona Sarajevo, a prema ponudi br. J.O. 035a/17 koja je sastavni dio Ugovora.

Član 2.

Ugovorni organ naručuje pružanje usluga, a Pružalac usluga prihvata da vrši usluge iz člana 1. i 4. ovog Ugovora za potrebe J.U. Zavoda za javno zdravstvo Kantona Sarajevo, a na osnovu provedenog postupka javne nabavke putem direktnog sporazuma i odluke Ugovornog organa o izboru najpovoljnijeg ponuđača.

Član 3.

Ugovorni organ i Dobavljač su saglasni da Ugovor realizuju prema već definisanim uslovima u postupku direktnog sporazuma za dostavu ponuda i to:

- (1) Ugovorni organ prema postupku direktnog sporazuma i
- (2) Pružalac usluga prema dostavljenoj ponudi i dokumentaciji sa preciziranim ponuđenim uslovima u pozivu za dostavu ponude.

III MJESTO I NAČIN PRUŽANJA USLUGA, OBAVEZE PRUŽAOCA USLUGA

Član 4.

Pružalac usluga se obavezuje da će u skladu sa članom 1. i 4. ovog Ugovora vršiti usluge servis i održavanje motornih vozila za J.U. Zavoda za javno zdravstvo Kantona Sarajevo, u skladu sa potrebama i narudžbama iskazanim u pismenom obliku.

Član 5.

Mjesta / lokacije pružanja usluga je: Sarajevo, Alipašina bb

Član 6.

Obaveze Pružaoca usluga tokom ugovornog perioda su:

1. Blagovremeno i profesionalno obavljanje predmetnih usluga servis i održavanje motornih vozila od strane stručnog osoblja;
2. Imenovanje osobe za kontakte sa Ugovornim organom;
3. Pružalac usluga se obavezuje na garantni rok izvršenih usluga od 12 (dvanaest) mjeseci, od momenta izvršenja ugovorenih usluga;
4. Ugradnja i/ili zamjena rezervnih dijelova u roku od 48 (četrdesetosam) sati od momenta kada je vozilo doveženo u servisnu radionicu.
5. obezbjeđenje prioriteta u pružanju usluga koje su predmet Ugovora;
6. preuzimanje odgovornosti za sve štete koje nastanu nesavjesnim i nestručnim izvršavanjem usluga, te finansijsko nadoknađivanje tako nastale štete;

IV OBRAČUN I NAČIN PLAĆANJA, REKLAMACIJE

Član 7.

Ukupna vrijednost ovog Ugovora je do 3.466,92 KM bez PDV-a za period jedne godine, a obračunavanje cijene će se vršiti prema cjenovniku iz ponude Pružaoca usluga koja je sastavni dio ponude.

Pružalac usluga se obavezuje da usluge fakturiše u ugovorenim rokovima, na osnovu otpremnih dokumenata (otpremnicu, radnih naloga i sl.) potvrđenih od strane Ugovornog organa da su usluge izvršene i to na dan izvršenja usluga.

Pružalac usluga se obavezuje na nepromjenljivost ponuđenih cijena tokom cijelog ugovornog perioda, te naknadne izmjene neće biti moguće.

Član 8.

Ugovorni organ će po svakoj pojedinačnoj usluzi utvrditi kvalitet izvršene usluge.

Član 9.

Obračunavanje cijene će se vršiti prema cjenovniku iz ponude Pružaoca usluga, broj: J.O. 035a/2017, koji je sastavni dio ponude za vrste servisa.

Član 10.

Pružalac usluga se obavezuje da će usluge izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene nabavke.

Ugovorni organ je dužan da dostavi pismeno obavještenje o svakom eventualnom propustu Pružaoca usluga po zaključenom Ugovoru.

Ugovorni organ će utvrditi razuman rok za ispravku eventualnih propusta Pružaoca usluga u smislu izvršene nabavke.

Član 11.

Pružaoocu usluga se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi direktnog sporazuma, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, i to najmanje šest mjeseci po zaključenju istog.

Član 12.

Ugovorni organ će plaćati fakture za izvršene usluge propisanim platnim nalogom za plaćanje u roku do trideset (30) dana od dana nastanka obaveze iz člana 8. ovog Ugovora, ukoliko izvršena usluga predmetne nabavke bude zadovoljavala svojim kvalitetom.

Ukoliko izvršena usluga predmetne nabavke ne bude zadovoljavala svojim kvalitetom, izabrani Pružalac usluga je dužan postupiti po pismenoj reklamaciji Ugovornog organa, nakon čega će Ugovorni organ pristupiti plaćanju izvršene predmetne nabavke.

Član 13.

Plaćanje usluga po ovom Ugovoru vršiti će se u KM, putem pojedinačnih narudžbi.

V TRAJANJE UGOVORA

Član 14.

- (1) Ovaj Ugovor zaključuje se za ugovorni period od 12 (dvanaest) mjeseca, a najkasnije do zaključivanja novog Ugovora sa najpovoljnijim ponuđačem za naredni period.

Član 15.

Obje ugovorne strane su saglasne da će se pridržavati zakonskih propisa, da će čuvati poslovnu tajnost i pridržavati se poslovnih običaja.

VI UGOVORNE KAZNE I NAKNADA ŠTETE

Član 16.

- (1) Ukoliko Pružaooc usluga na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Ugovora i pravo da o trošku Pružaooca usluga ustupi posao drugom Pružaooca usluga sa pravom naknade troškova uvođenja novog Pružaooca usluga kao i pravo na naknadu mogućeg nastanka štete zbog neispunjenja Ugovorne obaveze.

VII ZAVRŠNE ODREDBE

Član 17.

Eventualno nastale sporove pri realizaciji ovog Ugovora, ugovorne strane će rješavati sporazumno, u protivnom, ugovara se nadležnost Suda BiH u Sarajevu.

Član 18.

Svaka od ugovornih strana može otkazati ovaj Ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 19.

Za sve što nije regulisano ovim sporazumom, primjenjivaće se odredbe Zakona o obligacionim odnosima.

Član 20.

(1) Ovaj Ugovor stupa na snagu danom potpisivanja obje ugovorne strane, a počinje se primjenjivati naredni dan.

Član 21.

Ovaj Ugovor je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjera.

„BUNJO“ d.o.o. SARAJEVO
DIREKTOR




(Enes Bunjo)

Broj: J.O. 1041-2017/
Sarajevo, 02.06. 2017. godine



J.U. ZAVOD ZA JAVNO ZDRAVSTVO
KANTONA SARAJEVO
DIREKTORICA



(Dr med. sci. Snježana Balta, primarius)

Broj: 05.14.101-2529- Ugovor/17
Sarajevo, 22.05.2017. godine.

